

**5 АВГУСТА: Празднование Пресвятёй Владычице нашей
Богородице и Приснодэве Марии ради чудотворных иконы Ея,
именуемая «Почаевская».**

Вечером 4 августа

Изменяемое №1

На Господи возвах:

Стух: Изведи из темницы душу мою, исповедатися имени Твоему.

Стух: Мене ждут праведницы, дондеже воздаси мне.

Стух: Из глубины возвах к Тебе, Господи, Господи, услыши глас мой.

Стух: Да будут уши Твои внимлюще гласу моления моего.

Стух: Аще беззакония назириши, Господи, Господи, кто постоит; яко у Тебе очищение есть.

Глас 5: Приидите, россиястии собори,/ и от всех язык, вернии,
соберитесь,/ на гору Почаевскую взыдем и в дом Матере Божия,/ и
узрим место стопы Ея,/ идеже во огненном столпе древле явися,/ и
от источника, оттуду истекшаго,/ верою окропление приимем,/ и
чудотворней иконе Ея поклонимся,/ прощения прегрешений наших
просяще,/ и душам нашим велия милости.

Стух: Имене ради Твоего потерпех Тя, Господи, потерпе душа моя в слово
Твое, упова душа моя на Господа.

Ко Твоему заступлению притекаем, Пречистая,/ и чудеса, во
обители Почаевстей от Тебе бывшая, воспеваем:/ исцеления бо zde
слепии и хромии радостно приимаху,/ беснии свободдахуся,/ и
мертвии воскресоша,/ и несть такового жестокаго сердца,/ еже
зрением святыни Твоея не умилился./ Но утверди, Всепетая,/ благое
изволение молящихся Тебе/ и подаждь душам нашим велию
милость.

Стух: От стражи утренния до нощи, от стражи утренния, да уповает
Израиль на Господа.

Радуйся, Благодатная Богородице,/ Твое стадо от Небес
назираючи,/ от Ангел убо пение приемлющи,/ от нас же изливаемая
умиленныя слезы видящи/ и молитвенная воздыхания душ наших

слы́шащи:/ сия́ бо па́че витійства словéснаго/ на милосéрдие Тебé
преклоня́ют,/ во éже подáти душáм нáшим véлию мίлость.

Стúх: Я́ко у Го́спода мίлость, и мно́гое у Него́ избавлéние, и То́й избáвит
Изра́иля от всéх беззакóний его́.

Глас 2: Твою́ ико́ну целу́юще, Влады́чице,/ и слéду стопы́ Твоея́
покланя́ющесея,/ и заступлéния Твоя́ мно́гая поминáюще,/ достóйных
словéс о прославлéнии Тебé не обрета́ем,/ но, благоговéйныя слéзы
Тебé в молчáнии принося́ще,/ áки на Небесí, себé мним,/ Твоей
сла́ве предстоя́щия,/ спасí Тебé велича́ющия.

Стúх: Хвалíte Го́спода всú язы́цы, похвалíte Его́ всú лю́дие.

На горé Фавóрстей Петр со дру́ги/ Господне Преображéние ви́дев/
и лéпотою сла́вы Его́ услажда́ясь,/ та́ко вопия́ше Ему́:/ Го́споди,
добро́ есть нам зде бы́ти./ Сицевы́й же глаго́л рцем, бра́тие,/ на го́ру
явлéния Ма́тере Бо́жия собра́вшесея,/ и преображéние сла́вы Ея́, зде
бы́вшее, помышля́юще,/ и во умилéнии вопию́ще к Ней:/ спасí Тебé
велича́ющия.

Стúх: Я́ко утверди́ся мίлость Его́ на нас, и úстина Господня́ пребывáет во вéк.

На скалé пусты́нней пёрвее яви́лася еси́, Влады́чице,/ свéтом огня́
просвещéние вёрных зде прообразу́ющи/ и Купину́ Неопали́мую на
па́мять лю́дем приводя́щи;/ потóмже с Небéс видéние Твоего́
заступлéния/ ино́ком Почáевским яви́ла еси́,/ я́ко покрóв Твой,
Андре́ем дрéвле ви́денный./ Нас же, моля́щихся, свéтом озари́
духóвным/ и спасí Тебé велича́ющия.

Сла́ва, и ны́не: Непроходíмая врата́, та́йно запечатствовáнная,/
Благословéнная Богороди́це Дéво,/ приими́ молéния нáша/ и
принеси́ Твоему́ Сы́ну и Бо́гу,/ да спасёт Тобо́ю ду́ши нáша.

<далее см. основной Чин>

Изменяемое №2

Прокíмен после «Свéте тíхий»: *См. Прокимен дня <далее см. основной Чин>*

Изменяемое №3

Паримии:

Бытия́ чтéние (глава́ 28):

Изы́де Иа́ков от студенца́ клятвеннаго/ и íде в Харра́нь./ И обрете́
ме́сто, и спа́ тамо:/ за́йде бо со́лнце./ И взят от ка́мения ме́ста того́, и
положи́ возгла́вие себé,/ и спа́ на ме́сте о́ном./ И сон ви́де:/ н се

лѣствица, утверждѣна на землі,/ еяже главá досязаше до Небѣс,/ и Ангели Бóжии восхождаху и низхождаху по ней./ Господь же утверждáшеся на ней и речѣ:/ Аз Бóг Авраáмов, отцá твоегó,/ и Бог Исаáков, не бóйся:/ земля, идѣже ты спиши на ней,/ тебѣ дам ю и сѣмени твоемú./ И бóдет сѣмя твоѣ, я́ко песокъ земный,/ и распространит́ся на мóре, и ливу, и сѣвер, и на востóки,/ и возблагодарят́ся о тебѣ вся колѣна земная и о сѣмени твоѣм./ И се Аз с тобóю,/ сохраняяй ты на всякомъ пут́и, áможе áще пойдѣши,/ и возвращú ты в зѣмлю сию,/ я́ко не íмам тебѣ оставити,/ дóндеже сотворити Ми вся, елика глаголахъ тебѣ./ И востá Иáков от сна своего, и речѣ:/ я́ко есть Господь на мѣсте сем,/ аз же не вѣдех./ И убояся, и речѣ:/ я́ко страшно мѣсто сие;/ несть сие, но дом Бóжий,/ и сия вратá Небѣсная.

Исхода чтѣние (главá 3):

Вниде Моисей в гóру Бóжию Хорív./ Яви же ся емú Ангел Господень в пламени óгненне из купины./ И виде, я́ко купина горяше огнем, и купина не сгарáше./ Речѣ же Моисей:/ прешѣд, узрю видѣние великое сие,/ что я́ко не сгарáет купина?/ Якоже виде Господь, я́ко приступáет видети,/ призвá его Господь из купины, глаголя:/ Моисее, Моисее./ Он же речѣ: что есть?/ И речѣ: не приближися сѣмо;/ изуй сапог от ногú твоѣю:/ мѣсто бо, на немже ты стоиши, земля святá есть./ И речѣ емú:/ Аз есмь Бог отцá твоегó,/ Бог Авраáмов, и Бог Исаáков, и Бог Иáковль./ Отврати же Моисей лицѣ свое:/ стыдýше бо ся зрѣти пред Бóгом./ Речѣ же Господь к Моисею:/ видя, видех озлоблѣние людѣй Моих, иже во Егíпте,/ и вопль их услышах от насильствующих в дѣлах,/ вем бо болѣзнь их,/ и снидох, е́же изъяти их от руки егíптян,/ и извести их от земли óныя,/ и ввести их в зѣмлю благу и многу,/ в зѣмлю, точáщу мед и млеко.

Прорóчества Иезекиилева чтѣние (главы 43 и 44):

Тáко глаголет Господь:/ бóдет от дне осмáго и прóчее,/ сотворит иерѣи на олтарѣ всесожжѣния вáшего/ и и́же спасѣния вáшего, и примú вы,/ глаголет Адонай Господь./ И обрати мя на путь вратъ святýхъ внѣшних,/ зрящих на востóки,/ и сий б́яху затворѣна./ И речѣ Господь ко мне:/ вратá сий затворѣна бóдут и не отвѣрзутся,/ и

никто́же прѡйде́т скво́зѣ их,/ ꙗ́ко Госпо́дь, Бог Изра́илев, прѡйде́т
и́ми, и бу́дут затворѣ́на./ ꙗ́ко Игу́мен си́дет в них снѣсти хлеб,/ по
пути́ ела́мских врат вни́дет и по пути́ его́ изы́дет./ И введе́ мя по пути́
врат святы́х, су́щих к се́веру, прѡ́мо хра́му, и ви́дѣх,/ и се испо́лнь
сла́вы храм Госпо́день.

<далее см. основной Чин>

Изменяемое №4

Лития *глас 6:*

Струи́ исцелѣ́ний всегда́ исто́чаеши, Де́во, ве́рным,/ притека́ющим
к цельбоно́сней стопѣ́ Твое́й, Богоневѣ́сто!/ Ту́не бо излива́еши от
ней обильно́/ и богáтно недугу́ющим исцелѣ́ния:/ слѣпы́я явля́еши
ви́дяща ꙗ́сно,/ притека́ющия к Тебе́ хро́мья мно́гия испрáвила еси́/ и
разсла́бленныя стягну́ла еси́,/ пода́ющи всем, и́же ко спасѣ́нию,
проше́ния/ и душáм нáшим ве́лию мѡ́лость.

Приидѣ́те, празднолю́бцы,/ чу́дное явлѣ́ние ико́ны Божия́ Мáтере,/
е́же на горѣ́ Почáевстей, просла́вим:/ пресла́вно бо и боголе́пно во
обители́ Почáевстей возсия́,/ неисто́щиму́ю чудѣ́с благода́ть все́м
излива́ющи./ Тем усты́ и сердцы́, и пѣ́снями, и пѣ́нии духо́вными/ сей
святы́й день со все́ми,/ на го́ру Почáевскую́ притека́ющими,/
празднуем свѣ́тло.

Сла́ва, и ны́не: Воспо́йте, россия́стии наро́ди,/ Царѣ́це Божией
Мáтери песнь но́ву,/ соде́явшей чу́до, новѣ́йшее всех дрѣ́вних чудѣ́с,
на горѣ́ Почáевстей:/ си́льныя бо сокруши́ стрѣ́лы агáрянския,/ на ню
от татаръ напра́вляемыя,/ на главу́ их вспя́ть обра́щающи,/ немощны́я
же препоя́са си́лою свѣ́ше,/ и вознесе́ смире́нныя./ Той
победѣ́тельная возсыла́ем/ и, припа́дающе, вопи́ем:/ Засту́пнице
на́ша усѣ́рдная,/ Мáти Го́спода Вы́шняго, сла́ва Тебе́.

<далее см. основной Чин>

Изменяемое №5

По полиелѣи седáлен *глас 6:*

Днесь о́ всех чудесѣ́х Твои́х, Влады́чице, на горѣ́ Почáевстей
бывших,/ благодарѣ́ния Ти Цѣ́рковь прино́сит./ Тѣмже соше́дшиися
лю́ди Тво́я от Небѣ́с благословѣ́и,/ рáзум наш уцеломудри́,/ и жити́е
на́ше испрáвити помози́,/ и о спасѣ́нии душ нáших молѣ́ние к Бо́гу
вознеси́, мо́лим Ти ся.

Сла́ва, и ны́не, то́йже. <далее см. основной Чин>

Изменяемое №6

Степе́нна, 1-й антифо́н 4-го гла́са.

Проки́мен *глас 4:* Помяну́ имя Твое́/ во вса́ком ро́де и ро́де. *Стих:*
Слы́ши, Дщи, и виждь, и приклони́ у́хо Твое́.

<далее см. основной Чин>

Изменяемое №7

По 50-м псалме́ стихира *глас 5:*

Прииди́те, росси́йстии собо́ри,/ и от всех язы́к, ве́рнии,
собо́рятся,/ на го́ру Поча́евскую взы́дем/ и в дом Ма́тере Бо́жия,/ и
у́зрим ме́сто стопы́ Ея́,/ иде́же во о́гненном столпе́ дре́вле яви́ся,/ и
от исто́чника, оттúду истéкшаго,/ ве́рою окроплéние при́йдем,/ и
чудо́творней ико́не Ея́ поклони́мся,/ прощéния прегрешéний на́ших
прося́ще/ и душáм на́шим ве́лия ми́лости.

<далее см. основной Чин>

Изменяемое №8

Кано́н *глас 8.*

Песнь 1

Ирмо́с: Пои́м Го́сподеви,/ провед́шему лю́ди Сво́я сквозé Чермнóе мо́ре,/ я́ко Еди́н
сла́вно просла́вися.

Бо́жию Ма́терь воспои́м, ве́рнии,/ моле́ния к Не́й принося́ще/ и
чудо́творному Ея́ о́бразу покланя́ющесе ве́рою и любóвию.

О Влады́чице,/ убо́гия хвалы́ на́шея не отве́ржи и грехо́вныя
нищеты́ не возгнуша́йся,/ но припада́ющия лю́ди приими́,/ я́ко
Благáя, Благáго же Роди́тельница.

Гора́ Поча́евская, прэ́жде те́мная и безве́стная,/ явлéнием Твои́м,
Влады́чице, Сина́ю уподо́бися:/ та́мо бо огонь, купину́ не паля́й, Тебе́
прообразова́ше,/ zde же Сама́, во огни́ зри́мая, христиáном яви́лася
еси́.

Очи ва́ши блаже́ни, о па́стырие о́вчи, Влады́чицу на горе́
Поча́евстей узрэвшии/ и тем ча́сти вифле́емских па́стырей
сподо́бльшиися./ Те́мже у́бо блаже́ни суть христиáне, сегó не
видевшии,/ но ве́рою ме́сту то́му покла́ющияся.

Ро́ди росси́йстии и от вся́каго язы́ка ве́рнии,/ соше́дшесе к ме́сту
явлéния Влады́чицы,/ чудо́творному Ея́ о́бразу поклони́мся и о

своих согрешениях восплачем,/ о милосердии же Господни
возрадуемся.

Огненный столп, Владычице, Тебе иноком и пастырем являше,/ нам же огонь ревности вложи в душу,/ еже веру истинную хранить,/ от всякаго же глагола еретическаго отвращатися/ и греховную отревати прелесть от сердец наших.

Песнь 3

Ирмос: Ты еси утверждение/ притекающих к Тебе, Господи,/ Ты еси Свет
омраченных,/ и поет Тя дух мой.

Дар священный, странноприимства мзду,/ прият христоролюбивая
Анна иконе Твоей, Владычице, рукою святителя,/ от неяже исцеление
брату своему слепу рождену видевши,/ сию во обитель Почаевскую
на общую пользу дарствует.

Иконе Почаевскую Пречистая Богородицы лобызаим, вернии,/ и,
покаяние о гресех наших принеся, здравия, и от нужд избавления,/ и во всех благих начинаниях помощи от Владычицы воспросим.

Цвет прекрасный на древе благосеннолиственном/ явися
чудотворная икона Богородицы на святей горе Почаевстей:/
просите, вернии, и дастся вам, по глаголу Христову, милосердия
дар,/ житию вашему потребный.

Еже временному житию потребно бывает, о братие, в мале полезно
есть,/ и сия дарствует нам Господь, по молитве Матере Своея./
Обаче терпящая паче сих блажит и вечною радостью на Небеси
награждает,/ юже нам даровати, Владычице, помолися.

Почаевская церковь, чудотворный след стопы Твоея, Богородице,/ покрывающая и иконе Твоей хранящая,/ аки Небесный вход верным
является,/ в нейже молящимся помози, о Владычице, земная
попечения отложити,/ и единого, еже на потребу, желати,/ и в
молитве тепле просити.

Оле безумия иконоборцев,/ иже иконе Твоей, Владычице, от
Почаевския обители пленяша/ и, поруганию предающе, кару Божию
абие на ся наведоша,/ беснованием же обличене бывшей жены,
ужасом многим содержахуся.

Седáлен, глас 6: Река́, обильно теку́щая, поко́ю не навѣче,/ ниже́ престáти от течéния водна́го возмо́жет,/ та́ко и молéния Твоя́, Влады́чице, о лю́дех прѣсно возно́симая, не престаю́т,/ но пра́ведныя от падéний храня́т,/ па́дшая же на покая́ние возставля́ют./ Нам же, Твоему́ образу́ поклоня́ющимся,/ сугу́бую умилéния благода́ть да́руют/ и вопѣти Тебé со Арха́нгелом и Елисавето́ю воздвиза́ют:/ благословéна Ты еси́ в жена́х,/ и Твоего́ чрэва Плод́ благословéниестъ.

Песнь 4

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твоé Божество́.

Часу́ и дни прише́дшу возвра́щения ико́ны Твоея́/ во оби́тель Поча́евскую от иконобо́рцев, сию́ пленѣвших,/ возра́довася преподо́бный Йо́в со бра́тиєю, ту́ю лобыза́юще;/ ны́не же на всяк день и час приходя́щи во оби́тель Твою́ христиа́не/ ту́юже ра́дость и ве́ру пред не́ю свидéтельствуют.

Аз, грéшный, лéностию порабо́щен, о Влады́чице,/ благо́го Бо́га прѣсно грехѣ́ своими́ прогневля́ю,/ ниже́ о́чи свои́ возвéсти к Нему́ дерза́ю,/ но ко Твоему́ припада́ю чудотво́рному образу́,/ пред нимже́ ка́ющися прощéние от Тебé прия́ша, и вопи́ю:/ Го́спода, Сы́на Твоего́, умѣлостиви и мне предста́тельством Твоѣм.

Еда́ обря́щется толи́ко окаменéнный се́рдцем и безу́мен муж,/ ѡ́же не умилѣ́тся, в це́ркви Поча́евстей предсто́яй и свята́ням Твоѣм, Влады́чице, поклоня́йся,/ чудеса́ же, от них бѣ́вшая, помышля́й/ и ве́рою моля́щихся ви́дйя наро́ды?

Ви́дени бѣ́ша мно́зи, исцелéннии пред ико́ною Твое́ю, Влады́чице,/ слепѣ́и и хро́мии, слы́шаны бѣ́ша глу́сѣи и немѣ́и, возглаго́лавшии:/ та́мо беснѣ́и, воды́ от стопы́ Твоея́ пи́юще, от бесо́в свобожда́хуся./ Те́мже и мою́ приими́ моли́тву, е́же от бесо́вских страсте́й свободѣ́тися/ и свет спасéния Христо́ва ви́ну созерца́ти.

Сый во узѣ́лищи земли́ ту́рския пленéн,/ ѡ́нок Твое́ю си́лою, Влады́чице, на возду́се в го́ру Поча́евскую принесéся,/ у́бо и мене́,

во ўзах страстэй сўща,/ нýне, в день славы Твоея, от тех свободї/ и лїку вѣроу и любóвию поющих Тя сопричті.

Ко Твоему чудотворному образу притѣк, Владычице,/ и водою от слѣда стопы Твоея омывся,/ сляченный недугом юноша абие исцелѣ,/ слепая же отроковица, zde принесенная, прозрѣ,/ и предумерый младенец воскресѣ,/ ўбо и менѣ, припадающая, от смертоносного уныния воздвигни/ и душевныя мой отверзи очи.

Песнь 5

Ирмос: Утреннююще, вопиѣм Ти:/ Господи, спаси ны,/ Ты бо еси Бог наш,/ разве Тебѣ, иного не вѣмы.

Аще и всех грешнейший есмь от тем людѣй,/ ко Твоей, Владычице, иконѣ припадающих,/ аще и вси вѣроу своею мя превзыдоша,/ обаче и менѣ, окаяннаго, не отрини от Твоего заступления,/ милостей бездну людем во обители Твоей явившая.

Якоже ко всем призывающим Тя милостива являешься,/ издалеча иконѣ Твоей мысленно поклоняющихся слышиши,/ и тако отрочица некоего, по молитве прабабы его, воскресила еси,/ и нýне, о Владычице,/ ко всем, от конца земли Тебѣ молящимся, благоувѣтлива буди.

Се, Владычице, людѣй многая множества,/ на святую гору Твою притекающе,/ милости Твоея получитьи ищут,/ вернии вкупе с маловѣрными, праведнии и грешнии, с нимиже и Церкви Святей чуждїи примѣтаются,/ всех ўбо помилуй, всем свет истинныя веры яви во спасение.

Почто аз, грешный, Пречистой Богоматери поклоняясь/ и исправити житие свое обещаваая,/ паки на прежняя прегрешения обращаюся?/ Увы мне!/ Еда злейший есмь неверных агарян,/ иже на горе Почаевстей покаяние принѣсше,/ добрии христиане содеяшася?

Аще и люти быша агаряне турстии,/ святую обитель Твою, Владычице, осаждающе,/ аще и стрѣлы в Тя, на Небеси явльшуюся, пущати дерзнуша,/ но сим на главы их возвращающимся,/ сердцем сокрушенным покаяшася и силу Твою исповѣдаша.

Со Иовом преподобным на Небесех Тебе зряще, Владычице,
агаряном смятенным и бежащим, / иноцы Почаевстии песнь воспеша
Ти достойную, / со угодником Тебе благодаряще тепле.

Песнь 6

Ирмос: Ризу мне подаждь светлу, / одеяйся светом, яко ризою, / Многомилостиве
Христе Боже наш.

Иже от агарян Тя, Владычице, на Небесех узреша, / друг друга
вопрошаху: / что есть видение сие ужасное? / И ови, смятени бывше,
друг друга убиваху, / ови же, веру в сердце свое приемше, Крещения
требоваху, / по сих же иноцы быша чрез все житие, силу Твою
воспевающе.

Иноки и мирския люди, Твоему заступлению верующия,
Владычице, / обогати духовными дарованиями, / маловерныя же
просвети и озари, / якоже тогда неведевши Христа агаряны в
познание Его привела еси.

Сохраниша память Твоего заступления, Владычице, агаряне, / в
землю турскую возвращшеся, / и чадом своим о явлении Твоем
память предаша. / Кольми паче нам, христианом, / чудеса Твоя, на
горе Почаевстей бывшая, памятовати подобает?

Образу Твоему мысленно припадая, / во глубокий кладязь впадый
муж от несомненной смерти спасется / и, невредим из глубины
подыят быв, / Твое проповедаше милосердие.

Хотел бых и аз, Владычице, вере спасенных Тобою людей
подражати, / хотел бых и аз Твое заступление в житии моем улучшить, /
но за множество прегрешений моих оскудевает моя вера. / Сию убо
укрепи во мне, Владычице, вопиющем: / верую, помози моему
неверию.

Ров прельщений латинских чрез сто и девять лет поглотит обитель
Почаевскую, / но Твоим, Богородице, заступлением паки тая к высоте
Православия изымлетя и лавра именуется. / Сию убо в
Православней вере непоколебиму соблюди / даже до часа второго
пришествия Сына Твоего и Бога.

Конда́к, глас 1: Исто́чник исцелéний и вéры Правосла́вныя утверждéние/ Поча́евская Твоя́ ико́на, Богоро́дице, яви́ся,/ те́мже и нас, к ней притека́ющих,/ от бед и искуше́ний свободи́,/ ла́вру Твою́ невредíму сохрани́,/ Правосла́вие во о́крест стоящих страна́х утверди́/ и грехи́ разреши́ моли́твенник Твои́х:/ ели́ка бо хо́щеша, мо́жеша.

И́кос: Воста́ните от гроб ва́ших, ино́цы Поча́евстии, и рца́йте нам:/ коли́ких чудес Пресвяты́я Богоро́дицы бы́сте зри́тели и свидéтели,/ ка́ко ме́ртвии пред То́я ико́ною воскресáху,/ ка́ко де́мони от му́чимых люде́й отбега́ху,/ ка́ко недужнии та́мо исцеля́хуся,/ ка́ко невернии вéроваху,/ ка́ко хули́тели та́мо ка́яхуся?/ Сия́ бо дивная бывáху челове́ком и А́нгелом./ Мы же, вся сия́ бы́вшая и доднесь бывáемая воспомина́юще,/ со стра́хом и умилéнием ко святе́й ико́не Пречи́стыя Богома́тере моли́твенно припада́ем и глаго́лем си́це:/ о мило́стей бэ́дно и благодея́ний сокро́вище,/ грехи́ разреши́ моли́твенник Твои́х:/ ели́ка бо хо́щеша, мо́жеша.

Песнь 7

Ирмо́с: От Иудеи дошéдше, о́троцы/ в Вавило́не иногдá/ вéрою Трoическою пла́мень пещный попра́ша, пою́ще:/ о́тцев Бо́же, благословéн еси́.

Ака́фисто́во пéние возноша́ху пред ико́ною Твое́ю, Пречи́стая, правосла́внии лю́дие,/ егда́ обитель Поча́евская Це́ркви возвращéна бысть,/ тем у́бо оставлéние грехо́в испроси́,/ нам же, моля́щим Ти ся, на враги́ посóбствуй.

Наро́да правосла́внаго ду́ши упоко́ити моли́ся, Влады́чице,/ вку́пе же и всех, о возвращéнии ла́вры Твое́я из еретиче́скаго плéна потрудившихся,/ нам же, к Тебе́ прибега́ющим, пода́ждь единомы́слие и мир.

И ны́не наро́ду на́шему мило́стива бу́ди, Влады́чице, и мир пода́ждь,/ покая́юще противобóрствующия враги́ и супоста́ты.

Пре́д Твое́ю ико́ною, Богоро́дице, правосла́вным христиа́ном возвращéнною,/ па́ки исцелéния приима́ти вéрнии навико́ша:/ не у истéкшу бо еди́ному лéту от того́ дне,/ уже́ четы́рми чудесы́ Це́рковь Христо́ву просла́вила еси́ во утешéние лю́дем.

Ра́я Небе́снаго сподо́би ны, Влады́чице,/ святу́ю ла́вру Твою́ а́ки земны́й рай почита́ющия/ и Твоя́ ми́лости те́плою ве́рою воспева́ющия.

Авраа́м Госпо́день день издалеча́ ви́де, и ра́довася,/ и ча́янием то́го дне живя́ше;/ узрэвши же издалеча́ Твою́ Поча́евскую це́рковь не́кая хрома́я жена́/ и упова́нием Твоея́ по́мощи испо́лнившись, а́бие исцеле́/ и, а́ки елѣнь, воспряну́вши, ко оби́тели Твое́й поспеша́ше.

Песнь 8

Ирмо́с: Царя́ Небе́снаго,/ Егóже пою́т во́и А́нгельстии,/ хвалíte и превозносите во вся ве́ки.

Во град Кíев от предѣл Ура́льских пришѣдшей женѣ бѣсней/ явísя Богорóдица со преподо́бным Ёвом/ и на гóру Поча́евскую ту́ю призыва́ше,/ иде́же здравие ё́й пода́вши, сла́вити научи́ Своё заступлѣние.

Омы́в очеса́ своя́ в купѣли Силоа́мстей,/ приѣмлет слепорождѣнный зрѣние Христóвым велѣнием;/ омы́вшись же от воды́ стопны́я в це́ркви Поча́евстей,/ исцеле́ слепая́ отрокови́ца./ Убо и на́ше страстнóе ослеплѣние исцели́, Влады́чице,/ водо́ю от слѣда стопы́ Твоея́ с ве́рою кропя́щихся.

Сию́ отрокови́цу исцелѣну узрэвши,/ пра́баба ея́ а́бие прельщѣния унѣтскаго отрица́ется/ и Правосла́вную исповѣдует ве́ру,/ в не́йже утверди́ и ны, рабы́ Твоя́, о Влады́чице.

Лю́дие Бóжии, на гóру Твою́, Влады́чице, притека́ющии,/ обѣты́ по́двиг благочестíвых та́мо прино́сят,/ я́же дѣлы испо́лнити помози́ им, Богорóдице.

А́нгели на Небеси́ Твою́ сла́ву непреста́нно воспева́ют, Богорóдице,/ на земли́ же челове́цы ко Твоему́ заступлѣнию притека́ти не преста́ют,/ ихже въздыха́ния не отри́ни, я́ко Благая́,/ па́че же на мѣсте явлѣния Твоегó тех молѣния услы́ши.

Ве́лия Твоегó заступлѣния си́ла, о Влады́чице,/ егóже ра́ди Сын Твой и Бог наш грѣшным прощѣние да́рует,/ подви́зающимся же крепость и уны́вающим утешѣние.

Пёснь Богорóдицы: Велíчит душá моё Гóспода: <см. основной Чин>

Песнь 9

Ирмóс: Во́истинну Богорóдицу,/ Тя исповéдуем,/ спасéннии Тобóю, Дéво Чúстая,/ с Безплóтными лúки Тя величáюще.

Не тóчию едíн по едíному подвизáются христиáне на гóру Почáевскую,/ но и от сугúбо свящénнаго гра́да Кíева совокупльшеся вёрнии,/ пóмощь от сея чудотвóрныя икóны/ в годíну бýвшаго губíтельства исповéдаша/ и, подóбне ея написáвше, во святу́ю лáвру сиé принесóша.

У́бо и во грядúщая лéта спасáй нас, Влады́чице, от губíтельства и междоусóбныя бра́ни,/ от гла́да же и óгненнаго запалéния,/ занé оскудévшей крéпости душ нáших,/ уны́ния исполня́емся в бедáх, неразу́мливи сýще.

Ю́жский предéл земли́ россíйския Почáевскую икóну Влады́чицы и святу́ю лáвру Ея́,/ я́ко диадíму ца́рствия, хранít и сíми хвáлится;/ обáче же и Сéверский, во гра́де Тобóльском, чудотвóрное подóбие тоя́жде Почáевския икóны/ молítвою íноков себé испросí.

Рúсскую зéмлю, о Влады́чице,/ я́ко безпредéльное горы́ Твоея́ подно́жие,/ от бед и искушéний свободí/ и во благочéстии ту́ю сохрани́ до скончáния вéка.

Ужé несты́дно подня́вшимся ху́льным гласом посреде́ христиáнскаго жítельства,/ не оста́ви, Богорóдице, раб Твои́х в тех прельщéния впáсти,/ но вéру несумнённу возгрева́й в сердца́х нáших вýну.

Се врэ́мя заступлéния Пресвяты́я Богорóдицы при́де, умно́жившимся собла́зном,/ се врэ́мя нáших к Ней воздыхáний./ О бра́тие! Рцем у́бо от всего́ сёрдца нáшего:/ Влады́чице! Помози́ лю́дем Твои́м.

<далее см. основной Чин>

Изменяемое №9

Светíлен:

Видéние дíвное:/ во огни́ Пресвята́я Дéва,/ чудеса́ же неисчúслимая от икóны Почáевския нам известíшася./ Воспря́нем у́бо, о лю́дие, от грехóвнаго сна,/ исправлéния жити́ю нáшему со слезáми да прóсим/ и Мáтери Бóжией с вéрою днесь поклонíмся.

На стихóвне стихíры *глас 3:*

Кто возглаголет сýлы Твоя, Богорóдице,/ цельбоно́сный
Поча́евский исто́чнице?/ Неисто́щими бо дарова́нии
изобíлюючи,/ мно́гая и па́че естества́ содева́еши исцелéния,/ не
то́кмо телéсныя болéзны врачúючи,/ но и душéвныя стра́сти на́ша
измыва́ючи,/ и всем пода́еши ве́лию мýлость.

Стих: Слы́ши, Дщи, и виждь,/ и приклонí у́хо Твое́.

Твоими чудесы́, Богорóдице, неvéрнии умили́вшися,/
Правосла́вную ве́ру испове́даху,/ и еретицы́ от е́реси отреко́шася/ и
ко ста́ду церко́вному сопричто́шася,/ бесни́и от мучи́тельства
демо́нов свобожда́хуся,/ и жесто́кая сердца́ смири́шася./ Убо и ду́ши
на́ша пока́нием просвети́,/ подаю́щи на́м ве́лию мýлость.

Стих: Лицú Твоему́ помóлятся/ бога́тии лю́дстии.

По избавлéнии от неvéрных Твоея́ Лавры, Влады́чице,/ ико́ну
Твою́ правосла́внии лю́дие ра́достно прия́ша,/ якоже древле
Животворя́щий Крест Сы́на Твоего́ от пленéния пёрсского,/ тёмже
исцелéния, от нея́ быва́емая, тако́жде умно́жишася,/ ихже не лиш́и и
нас, моля́щих Ти ся,/ подаю́щи душáм на́шим мир и ве́лию мýлость.

Сла́ва, и ны́не, глас 8: Седя́й на Херувíмех и певáемый от Серафíм/
из утрóбы Дéвы благоволи́ роди́тися/ и Сию́, яко Ма́терь Бо́жию,/ в
моли́тву призывáти нас научи́,/ пёрвее в Ка́не Галилéйстей/ То́я
моле́ния о лю́дех приéмый/ и доны́не моли́тв Ея́ ра́ди проше́ния
на́ша исполня́й./ Прииди́те у́бо, христоименíтии лю́дие,/ на ме́сто
чудéс Пресвяты́я Богорóдицы/ и, моле́ния ваша́ пред ико́ною Ея́
излива́юще,/ несомне́нною ве́рою утверди́теся,/ е́же прияти нам от
Нея́ ве́лию мýлость. <далее см. основной Чин>

Утром 5 августа

По 1-м стихослóвии седáльны *глас 4:*

Богорóдица христиáном всегда́ бысть Мýлостивая
Услы́шательница,/ от конéц земли́ к Ней вознося́щим моли́твенныя
гла́сы,/ Поча́евскую же го́ру яко ме́сто явлéний Свои́х избра́,/ и сего́

ради зде быти поспешают христиане,/ ихже моления не отврати,
Владычице,/ но и праведным, и грешным буди Ходатаица.

Слава, и ныне, Богородичен: <далее см. основной Чин>

[Изменяемое №12](#)

По 2-м стихословии седальны глас 7:

Отверзи врата твоя, святая Лавро Почаевская,/ и прими
приходящая безчисленные народы,/ святую икону Владычицы
облобызати умиленно тщасься/ и вкупе со братиею
монашествующих усердная моления возносящая ко Христу Богу,/ да
молитвами Приснодевы, Матере Своея, милостив будет рабом
Своим.

Слава, и ныне, Богородичен: <далее см. основной Чин>

[Изменяемое №13](#)

Тропарь глас 5:

Пред святою Твоею иконою, Владычице,/ молящиеся исцелений
сподобляются,/ веры истинные познание приемлют/ и агарянская
нашествия отражают./ Темже и нам, к Тебе припадающим,/ грехов
оставление испроси,/ помыслы благочестия сердца наша просвети/
и к Сыну Твоему молитву вознеси/ о спасении душ наших.

Ин тропарь, глас 4:

К Богородице прилежно ныне притецем грешнии и смиреннии, и
припадём к дивному образу Ея, иже на горе Почаевстей: к немуже
умильно взирающе и молящися Царице Владычице из глубины
душевные вопиём: О Пречудная Дево, Мати Господа Вышняго, от
лет древних избравшая обитель Почаевскую в место селения
Своего! Землю отечественную нашу в православии и мире утверди,
и спаси всех предстоящих и молящихся Тебе умиленною душею и
сокрушённым сердцем, пред Пречистым Твоим образом со слезами.
Не отврати рабы Твоя тщи: Тя бо едину Надежду имамы.

<далее см. основной Чин>

[Изменяемое №14](#)

На хвалитех стихирь:

Стих: Сотворити в них суд написан./ Слава сия будет всем преподобным Егб.

Стих: Хвалите Бога во святых Егб,/ хвалите Егб во утвержении силы Егб.

Стих: Хвалите Егб на силах Егб,/ хвалите Егб по множеству величества Егб.

Глас 4: Воспойм, лю́дие,/ Пресвяту́ю Дѣву Чѣстную,/ на горѣ Поча́евстей дрѣвле па́стырем явльшуюся,/ ны́не же всю страну́ нашу отту́ду благодѣющую:/ весть бо Влады́чица проше́ния наша во благо́е исполня́ти,/ и сердца́ наша умиле́нием растворя́ти,/ и рабы́ Своя́ от бед и зол сохраня́ти.

Стѣх: Хвалите́ Его́ во гласѣ тру́бнем,/ хвалите́ Его́ во псалтѣ́ри и гу́слех.

Воспойм, лю́дие,/ Пресвяту́ю Дѣву Чѣстную,/ на горѣ Поча́евстей дрѣвле па́стырем явльшуюся,/ ны́не же всю страну́ нашу отту́ду благодѣющую:/ весть бо Влады́чица проше́ния наша во благо́е исполня́ти,/ и сердца́ наша умиле́нием растворя́ти,/ и рабы́ Своя́ от бед и зол сохраня́ти.

Стѣх: Хвалите́ Его́ в тимпа́не и ли́це,/ хвалите́ Его́ во стру́нах и орга́не.

Не возгнуша́йся нас, грѣшных,/ Милосѣ́рдая Ма́ти,/ малове́рия ра́ди нашего́ от нас не отврати́ся,/ но па́че ве́ру нашу/ благодатно́ю по́мощию Твое́ю умно́жи/ и же́ртву хвалы́ приноси́ти Тебе́/ рабы́ Твоя́ научи́.

Стѣх: Хвалите́ Его́ в кимва́лех доброгласных, хвалите́ Его́ в кимва́лех восклицáния./ Вся́кое дыха́ние да хва́лит Го́спода.

Слепы́я, и хромы́я, и сля́ченныя,/ ко Твое́й святѣ́й ико́не припада́ющия,/ всемо́щным дѣ́йством Твоего́ предстáтельства/ исцели́ла еси́, Богоро́дице:/ бѣсы, люде́й му́чащия, отгна́ла еси́,/ Правосла́вную ве́ру ага́ряном и ерети́ком откры́ла еси́./ Убо и наших молéний не отри́ни, Пренепоро́чная,/ но я́же ко спасе́нию проше́ния наша испо́лни.

Сла́ва, глас 8: О Твои́х зна́мениих, Богоро́дице Влады́чице,/ сла́вится гора́ Поча́евская,/ и всяк язы́к христиа́нский си́лу Твою́ испове́дует,/ ихже ра́ди неве́рнии правове́рнии соде́яшася,/ грѣшнии в пока́яние приидо́ша./ лени́вии к духо́вному дѣ́ланию устремѣ́шася./ Имже и нас подража́ти, Блага́я, научи́,/ Тебе́ те́пле благодарѣ́ти устро́й нас/ и воздвѣ́гни вѣ́ну воспева́ти славу Сы́на Твоего́,/ Еди́наго от Святы́я Трои́цы сла́вимаго Бо́га нашего́.

И ны́не, Богоро́дичен: <см. основной Чин>

[Изменяемое №15](#)

Кондак глас 1:

Источник исцелений и веры Православныя утверждение/
Почаевская Твоя икона, Богородице, явися,/ темже и нас, к ней
притекающих,/ от бед и искушений свободи,/ лавру Твою невредиму
сохрани,/ Православие во окрест стоящих странах утверди,/ и грехи
разрешит молитвенник Твоих:/ елика бо хощеши, можеш.

<далее см. основной Чин>

На Литургии

Изменяемое №20

Прокимен, *глас 3*: Величит душа Моя Господа,/ и возрадовася дух
Мой о Бозе, Спасе Моём. *Стих*: Яко призре на смирение Рабы Своея,
се бо отныне ублажат Мя вси роди.

Другий прокимен, *глас 6*: Помяну имя Твое/ во всяком роде и роде.
Стих: Отрыгну сердце мое слово благо.

Изменяемое №21

Аллилуиа, *глас 8*: Слыши, Дщи, и виждь, и приклони ухо Твое. *Стих*:
Лицу Твоему помолятся богати людстии.